

Ndebele - Agape Imibhalo - God's Love Letter Scriptures

uJohane 15:9 Njengalokhu uBaba engithandile, lami ngilithandile; hlalani ethandweni lwami.

u-Isaya 43:1 Kodwa khathesi, nanku akutshoyo uJehova uthi – yena owakudalayo, wena Jakhobe, yena owakubumbayo, wena Israyeli; “Ungesabi, ngoba ngikuhlengile; ngikubize ngebizo lakho; ungowami.

uJeremiya 1:5 "Ngingakakubumbi esiswini ngakwazi, ungakazalwa ngakukhetha ngakubeka ukuba ngumphrofethi ezizweni."

uJohane 15:16 Kalingikhethanga lina, kodwa mina ngilikhethile, njalo ngilimisile, ukuze lina lihambe lithele isithelo, lesithelo senu sihlale; ukuze loba yini eliyicela kuBaba ngebizo lami, alinike.

3 uJohane 1:2 Sithandwa, kuzo zonke izinto jikelele ngifisa ukuthi uphumelele njalo uphile, njengalokhu umphefumulo wakho uphumelela.

u-Isaya 43:4 Njengoba wena uligugu njalo udumile ebusweni bami, futhi ngenxa yokuthi ngiyakuthanda, ngizanikela abantu esikhundleni sakho, labantu esikhundleni sempilo yakho.

uJeremiya 31:3 UJehova wabonakala kithi kudala esithi: “ngikuthandile ngothando olungapheliyo; ngikuhole ngesisa esikhulu.

uHosiya 11:8 “Ngingakukhalela kanjani, Efrayimi? Ngingakunikela kanjani, Israyeli? Ngingakuphatha kanjani njengo- Adima na? Ngingakwenza kanjani, njengoZebhoyimi na? Inhliziyo yami iguqukile phakathi kwami; isihawu sami sonke siqubukile.

uJohane 3:16 Ngoba uNkulunkulu wawuthanda umhlaba ngokunjalo, ngakho wanika iNdodana yakhe ezelwe yodwa, ukuze wonke okholwa kuyo angabhubhi, kodwa abe lempilo elaphakade.

u-Isaya 49:15,16 “Owesifazana angamkhohlwa umntanakhe omunyayo na, angabi lesihelo emntwaneni amzeleyo na? Lanxa engamkhohlwa, mina angiyikukukhohlwa! 16 Khangela, sengikudwebe ezintendeni zezandla zami; imiduli yakho ihlezi iphambi kwami.

u-Isaya 41:13 Ngoba mina nginguJehova uNkulunkulu wakho, okubamba ngesandla sakho sokudla athi kuwe: Ungesabi; ngizakusiza.

uMathewu 28:20 libafundise ukugcina konke engililaye ngakho; futhi khangelani, mina ngilani insuku zonke kuze kube sekupheleni kwesikhathi. Ameni.

uJohane 14:1 Inhliziyo yenu kayingakhathazeki; lina liyakholwa

kuNkulunkulu, kholwani lakimi.

u-Isaya 41:14 Ungesabi, wena mpethu enguJakhobe, wena Israyeli omncinyazana, ngoba mina ngokwami ngizakusiza,” kutsho uJehova, uMhlengi wakho, oNgcwele ka-Israyeli.

u-Isaya 43:2 Lapho udabula phakathi kwamanzi ngizakuba lawe; lalapho udabula emifuleni, kayikukukhukhula. Lapho uhamba phakathi komlilo, kawuyikutsha; amalangabi kawayikukubhebhisa.

AmaHubo 23:1-6 *Ihubo likaDavida* 1 UJehova ungumalusi wami, angiyikuswela. 2 Uyangilalisa emadlelweni aluhlaza, ungikhokhelela emanzini apholileyo, 3 uvuselela umphefumulo wami. Uyangihola ezindleleni zokulunga ngenxa yebizo lakhe. 4 Loba ngidabula esigodini sethunzi lokufa, angiyikwesaba okubi ngokuba wena ulami; intonga yakho lodondolo lwakho kuyangithokozisa. 5 Ulungisa itafula phambi kwami emehlweni ezitha zami. Ugcoba ikhanda lami ngamafutha; inkomitsho yami igcwele iyaphuphuma. 6 Impela okuhle lothando kuzangilandela zonke izinsuku zokuphila kwami, njalo ngizahlala endlini kaJehova kuze kube nininini.

uJohane 14:27 Ukuthula ngikutshiya kini, ukuthula kwami ngilinika khona; kungeyisikho njengoba umhlaba unika, mina ngiyalinika. Inhliziyo yenu kayingakhathazwa, ingesabi.

Phil 4:7 lokuthula kukaNkulunkulu, okudlula ukuqedisisa konke, kuzalondoloza inhliziyo zenu lemicabango yenu kuKristu Jesu.

IZaga 3:24 nxa ulala kawuyikwesaba; uzalala ubuthongo obumnandi.

AmaHubo 4:8 Ngizalala phansi ngijunywe yibuthongo ngilokuthula, ngokuba wena wedwa, O Jehova, uhlezi ungilondolozile.

AmaHubo 33:18 Kodwa amehlo kaJehova akulabo abamesabayo, kulabo othemba labo lisethandweni lwakhe olungapheliyo,

AbaseRoma 5:2 okungaye njalo silokungena ngokholo kulumusa esimi kuwo, sizincoma ethembeni lobukhosi bukaNkulunkulu.

u-Isaya 55:12 Lina lizaphuma ngokuthokoza likhokhelwe ngokuthula; izintaba lamaqaqa kuzasusa ingoma phambi kwenu, njalo zone izihlahla zeganga Zizaqakeza izandla zazo.

uJohane 16:22 Ngakho lani-ke lilosizi khathesi; kodwa ngizabuya ngilibone, lenhliziyo yenu ithokoze, njalo kakho ongalemuka intokozo yenu.

uLukha 12:9 kodwa ongiphika phambi kwabantu uzaphikwa phambi kwengilosi zikaNkulunkulu.

uMathewu 10:30 kodwa lezenu inwele zekhanda zibaliwe zonke.

u-Isaya 54:10 Lanxa izintaba zinganyikinyiswa, lamaqaqa asuswe, kodwa uthando lwami olungapheliyo kuwe kalukunyikinyiswa, kumbe isivumelwano sami sokuthula sisuswe,” kutsho uJehova olesihawu

kuwe.

uMathewu 11:28-30 Wozani kimi lonke elikhatheleyo lelisindiweyo, njalo mina ngizaliphumuza. 29 Thathani ijogwe lami lilibeke phezu kwenu lifunde kimi, ngoba ngimnene ngithobekile enhliziyweni; njalo lizathola ukuphumula emiphefumulweni yenu; 30 ngoba ijogwe lami libutshelezi, lomthwalo wami ulula.

Ingoma Yezingoma 2:10 Isithandwa sami sakhuluma sathi kimi, “Sukuma, sithandwa sami, wena omuhle, woza sihambe.

uHosiya 2:14,19,20 “Ngakho sengizamhuga; ngizamholela enkangala ngikhulume laye kakuhle. 19 Ngizakwendisela kimi kuze kube nininini; ngizakwendisa ngokulunga langemfanelo, ngothando langesihawu. 20 Ngizakwendisa ngokuthembeka, njalo uzamamukela uJehova.

u-Eksodusi 3:14 UNkulunkulu wathi kuMosi, “**NGINGUYE ENGINGUYE.** Lokhu yikho ozakutsho kwabako-Israyeli ukuthi, ‘**UNGINGUYE** ungithumile kini.’”

uHosiya 13:4 Kodwa mina nginguJehova uNkulunkulu wenu, owalikhupha elizweni laseGibhithe. Kaliyikwamukela omunye uNkulunkulu ngaphandle kwami, hatshi omunye uMsindisi ngaphandle kwami.

uJohane 15:14 Lina lingabangane bami, uba lisenza loba yini mina engililaya yona.

ISambulelo 3:20 Khangela, ngimi emnyango ngiqoqoda; uba umuntu esizwa ilizwi lami, abesevula umnyango, ngizangena kuye, ngidle laye, laye lami.

Pastor T. John Franklin
Church of Salvation, Healing, and Deliverance
COS-HAD.org